

庸軒詩集

乾

番外書冊

471	二六三九	和書門
二册	五函	清主印務類

234

庫文閣内	和書
二六函	二六三九
一一架	二册
	三號類

(一)

内閣文庫	
番號	和 26393
冊數	2 (1)
函號	206 234

206-234



藤村庸軒詩集

淺草文庫

藤村庸軒詩集刻成矣荻退祐
者來諒序於予曰庸軒者茶
伯子也何以詩為予退祐曰庸
軒嘗受學於亡羊先生守茶送
於千宗且喫茶之餘好話詩身

先生後學於嘗齋先生友人
曰子年未出先生何而就學乎
原軒曰雖吾年未出先生就學
固不及也故就而學嘗原軒之
溫質蓋如此也予曰善矣古語
曰山抱玉而草木潤嘗川貯珠

而岸不枯嘗信哉原軒之溫質
殆惟柔解之渾向子來不枯者
也乎曰叙此言以還云
嘗享和矣亥夏六月甲子朔

水竹亭子忠



此詩集也
 卷之六
 卷之五
 卷之四
 卷之三
 卷之二
 卷之一

庸軒詩集引

微翁也性藤村諱當直號庸軒京兆人也
 學術遊于三宅山崎之二門諷詠壓李翰
 林杜拾遺之才矣茶事受于千家全式而
 篤熟之剝察漢朝盧仝之清心而釣我
 朝賓禮之玄矣後為一派紹後世壽齡八
 十七歲而卒葬洛陽東山黑谷也西翁院
 中指圖之茶室今猶存矣實歷星霜百有
 餘年其道榮焉然此詩集也雖記許多

庸軒詩集



序

二

寔存什一而脫漏之玉作亦許多耐可惜也于茲荻野道興子貯此集而薰之臆之珍藏焉雖然先師之風藻嘆鬱々奩中欲梓行之教予見之予荷膽讀之句々字々活言筆鋒無章不惑也因而以松永昌民選序次備一部者也

享和三癸亥正月於講習堂中

源直察書



庸軒詩集卷之上

講習堂七世儒昌民 閱校

乙卯歲旦 延寶三年

掃除徃歲久霖苦宿雨報晴晴日紅祥瑞正知開元旦况將微雪示安豐

和韻

團團塵榻笑談濃世上艱難何共窮藪藜炊黍可知足玉川一味亦流風

春分祭事

世上艱難事不關夙陳
蘧豆好開顏蘋蘩聊為仲春
意思重天涯四面山

憩安井藤花下

藤花媚々綠陰中
纏樹架棚一逕通
高上蒼穹低水面
紫雲吹送寺前風

遊園山

高樓縱目渺無涯
西望京師雲霧披
黜堊民家分黑白
山翁一局似圍碁

画山水贊

湖水日初沈
柳塘翠色深
牧童牛背笛一曲
響竹林

和居夫移竹吟

移居因有竹
四壁上蒼苔
遠把陶潛意
果然歸去來

和正員病中吟

乾坤父母本
候旬唯疾之憂
率土濱人子
到斯宜致思
毫釐差則隔
燕秦

題柳口氏庭上松

清梢鬱々綠重々
手自遷來澗畔松
偃蓋欲低凝風
雨正知曾有大夫封

觀諸山列炬

衆峰放火夜燃薪云是蘭盆祭鬼神北嶽巨船如意
大和明碾出一輪新

題久須見氏石菖蒲

真仙靈艸好延齡採養盆中列石屏不妨秋來風雨
夜一灯影裏映書青

申覆松尾一安雅丈

祝鳳曆新開之慶嘉裁开簡依風濤之便見示
予也敬拜受焉甚以欣躍矣抑去秋遊伊城之

日握手話生平厚領盛愛之後緬不聞消息五六
月于茲矣開緘曲知貴躰之勇健家內之平安也
多幸々々頃愚男倫員來自勢濱告兩國之安全
公私無災恙之餘

太守近以被枉嚴駕於東武之由也因茲雖足下
之行期無定日知秣其馬膏其車且恨我無鴻鵠
之翼美無由於直踵門而效祖餞之誠歌陽關三
疊之曲也足下以知命歲加三我以耳順加三其
間豈非相庭徑哉雖然光陰馳駒隙俟來歲瓜熟

之前速舒鬱情心事耳來書所謂觀予試毫之俚
語於大椿醫伯之旅館賦和篇一絕書楮尾也榮
寵萬倍過辱厚貶素礫碎之鄙句不敢醜顏乎添
得試穎之佳什一篇固錦心繡口吐露珠百斛東
而舒卷之不手釋卷數日欲廢其芳韻恐西施之
捧心効醜女之顰矣然不忍符口叨成一絕以備
高覽願加潤色可也縷情不盡區々頌首
雖隔海山異此春同風千里共雷陳可憐白雪堆雙
鬢五十三回添十人

賡蠡管雅丈四首韻

和重五吟

逢迎重午節且喜辭他鄉疊雪恩榮服泛蒲餘醉觴
祭時追遠奠井地貢新嘗睡味泰山枕居安猶未忘

和夏日書懷韻

避暑轉忘旅懷懶晚涼載月棹江隈風流常見文章
癖海水寬容襪線才別後兩年通簡少行程百里寄
詩來可憐老倒欲枯樹不識何時加饒培

和假山納涼韻

賦詩似杜陵夏日避炎蒸隔境交情迫感時思念憑
林巒暗月冷竹迳暮煙凝六月暑千里却看一凍蠅

和尾平瀑韻

飛泉丈幾不勝地與誰遊山聳乾坤窄塗窮左右流
一條吹不斷直下碍無由同得見聞樂詩成醒醉眸

切羊士諤林館避暑之川八為句題賦八首

池嶋清陰裏

築山移樹惹清渠水抱池亭綠不疎手把半篙回岸
轉却憐鷗鷺有規魚

無人泛酒船

赤薜曾遊兩度新細鱗斗酒足延賓風流千載坡翁
後誰泛觥船筆入神

山蛭金葵響

火老金柔涼始生山蛭一曲綠陰清是非歌吹海中
物斷續聲和秋氣鳴

華露水精圓

世間珍怪不關情一箇隋珠十五城賴引晚來廣寒
月滿塔華露惹明瓊

靜勝朝還暮

橙花初曉露餘光松葉正秋月凝霜幽邃蕭條無客
過獨繙黃卷坐空牀

幽觀日已玄

峰後峰前美景加幽齋日永眺望賒客來不語隨機
見一局子戲鬪鷺鴉

家山正如此

綠掩衡門彭澤柳煙煥寒竈買臣薪市遐屢空一瓢
聊澆酒無由用葛巾

何不賦歸田

名實從來誰敢欺千年穢史北山移一時富貴好渡
寬驛路邯鄲夢一炊

正員袖一竹來求題謂是得茶磨山下

茶磨山竹隨緣為匙匕碗雲浪依爾靡々

秋分祭事

宿雨洗天晴明裡已愜情秋過三伏半歲以九禾榮
雖聊欠蒹葭味足猶盡鄙誠往時今在眼出入聽無聲

和乙卯仲秋三宅大遺翁病中見寄

多病挽回累卵危，一鴻生翼健飛。呈祥卜得今霄，月萬里無雲影不微。

乙卯仲秋

霖雨初晴人倚樓，風騷爽月共吟遊。清光四溢三千界，爽氣偏浮一半秋。香稻盈場稍落杵，墨牛放野欲投糶。此時此景雖稱意，只恐衰翁照白頭。

十六夜

二八秋天猶放妍，何論水鑑欠些圓。從容堪賞風光好，此夕人間眼欲穿。

挽大遺公

延寶三乙卯八月廿六日

同參五十秋分手，遠仙遊魂入三生。夢魄歸一故丘，鷹峰村鼓響龍嶽暮鐘幽。俊傑人何在，老涯誰與儔。好山且類比他日賦詩酬，戒々下珠淚。忡々搔白頭。遺篇餘浩嘆，健筆凝吟眸。萬卷文章伯，六經梁棟酋。百坡共羅列，二陸側溫柔。壯篋禁華皖，家三島十洲。和希明丈仲秋韻。月前頻酌好，消愁金闕宴中。一望殊擲杖梯天，捻閑事人間亦有白雲樓。

重九

重陽把菊杯，奚待白衣來。座列序長幼，詩吟論敵推。
 宴酣烏帽落，天霽画簾開。無我文峰曲，樹間風籟回。
 到大遺先生故宅，漫述懷。
 別後偶然上此堂，三旬如夢恨增長。餘哀再被悲風
 觸，依舊雙眸我涕滂。
 冬至祭事
 經營白屋始，遷神籥散蘆灰。長至晨擎出，銅瓶梅一
 點生々先祝臘前春。

丙辰元日 延寶四年

春夏秋冬又已初，經營輪奐壯皇居。白頭擊壤屠蘇
 酒，酌坐春風一草廬。

遊東岳

遲日探春伴，瘦筇九重。花影幾千重，白雲變隸輕吹。
 雪烟靄朦朧，松移步履迷。溪逕窄，尋幽猶惜夕。
 陽春暮齡此興，又應少。速莫黃昏遠寺鐘。

仲春遊園山

二月欲殫辰，野花共効顰。芳菲飛昨雨，殘雪接埃塵。

一歲兩三日四時九十春旁枝尚紅白文質更彬
和居夫雅丈春日幽居之吟

短牆茅舍竹千竿世上紛紛更不干漱石枕流四休
足幕天席地一身胖伯倫酒甕紅霞醉陸羽茶鐺白
雪漫手採春蔬自為樂却嫌重錄腐儒殮

題柳川氏竹筒

一筒三節竹五彩數枝花為引遠方友幾回碾白芽

題井川氏信樂筒

瓦礫底奇物苦窳魚眼多風流能幾許四序伴繁花

暮春勾引年少再遊南海之清水寺昔日與父

宗清翁處々同巾舄仍追懷往爰賦

遠遊幾度難波浦擲杖姑休南岳邊堆綠蔭天晴更
暗疎篷浮海去還還氣扶老樹觀音柳拳捧幼荷生
玉蓮曾伴舊知携手處慨然屈指十年前

難波水口行舟

小舸容身易夏天風渡高枕波驚午睡詩景繞江長
水逆河魚落雨晴海燕翔一鱸一筋鱠坐足李鷹望
詣座間八幡宮

老涯始琴八幡宮黃閣朱門綠樹中照徹靈前一圓鏡只省榮辱在天公

哭大姊

暮齡來我已三歲一睡閨中竟不蘇往事渺茫今憶昔遺言彷彿有如無再生願得越人藥別後自燒李勣鬚四海弟兄處何似淚痕滴盡袖中珠

題盆中柳

白屋堦前有揚柳鑿開小石備饒培幹枝出土纔三尺綠翠受春都五回樹幼未省舞風絮花交好是傍

擔梅何時高作亭々樹吁嗟誰登三昇槐氣等陪堤烟色暗眼通漢苑黛眉開別離偏合送行客攀折堪憐手自栽正憶陶令彭澤屋仄聽侃子武昌臺伴賢千歲為人愛太守駐車懲盜猜月出散峰光漏影寒來愛宕雪為皚紅爐在側車轂近露徑欲霑碧玉堆螻蟻遠柯逢偶語燕鶯辭宿去徘徊倚欄日撫風流態懶惜與儔不假媒阮藉合歡青色眼愷之可笑素聞歎繁榮枯槁兩堪賞憑爾平生心不灰

卒爾和久須見少年短章

籠燭影連天蘭盆人自前歌聲都暖響東陌與南阡
八月十日寓于水口儀家氏之亭寄主翁之玉
兒

年少起吾屢鳳雛又驥駒揮毫能字畫發詠吐明珠
旅客解愁興亭長開宴軒仲秋前五日月下共歡娛
寓于勢津旅館逢仲秋無月

漂泊遠遊南海畔長江雨暗失東西一團月蔽暮雲
影三五秋稱天運齊興莫新詩描美景宴從恩賜下
層梯白頭須盡良霄醉翠管銀鬢手自携

疇昔見惠一盆兩顆與和歌二首憫客慮之厚
既何以加之哉吟之不釋卷多時矣嘗之欲解
渴幾度不知所謝卒和兩韻聊伸鄙意者俞
如拳嘉實碧瑠璃嚼破寒氷其似飴百菓宗中故添
味却疑漢苑上林梨

其二

七絕帶霜葉千枝照暮林摘束籃底顆紅挨得情深
小川氏嘯松少年仲夏之比附太守之麾下
欲還勢城一日涉莒根山而製川八之佳什後

摩訶老眼見詩中胸羅万象筆掃千軍加旃舍
 於愛親回懸眸之想感慨不少自今應功名無
 限各有和答予亦効顰
 傍險吟鞍攬轡登直臻山上碧潭澄羈懷傳信雁涵
 影孝感因詩鯉躍冰描景偏開涼冷眼歸家初散鬱
 陶膺文場筆陳誰爭道今古再看一杜陵

歸畊上人重九日訪予旅館晤語少焉賦一絕

卒步其韻礎

菊杯共酌遭重陽笑語玄談敢或違但為高僧能化

俗追趨曉漏夜深長

安並氏正重髻羊賦詩起予衰老不獲箝口聊

賡其韻尾

邂逅少年松逕裏詩花文藻有名聞向來須見鵬雛
 翼高翥南溟凌碧雲

訪林庵主野墅即興

緬尋幽邃洛城東傾蓋躊躇仙境中平日摘蔬耽隱
 癖何時擲耜稱英雄甘谿牛碎園籬菊楚岫頻烘山
 岳楓多景憑詩休遣興無邊眼界意難窮

同日於林庵主牀頭拜六々山人之夢醒之吟
卒奉賡其韻尾

仄聽雁打更近渚月將暗
殊夜枕波夢茅齋砧杵
戲居安千慮嚴避世一身輕
山野靜中趣松孤知此情

筵忠兵衛之竹筒銘

八景在竹四時貯花晨昏伴爾屢
漱雲茅

先頃朵雲飛來新詩一絕依便風落手固辱
倦

存問時在他亭不能報復示諭和答佳篇越

數日也幸今因中村宗哲之便鴻裁片楮聊賡

佳什之韻尾而附一价汗顏々々嚮衝雪于曠

野訪予草廬柴門蓬戶乍生潤色矣爾來不得

接芝眉且暮鬱結思慕不得解若又不恐寒互

涉鴨川之水而東希狂駕於野亭時又臘末俗

羈冗絆羨君怡情于泉石頓迎陽春尋芳探景

徜徉公之山林矣縷々非筆舌之能所及不悉

頓首々々謹而步韵礎

緬涉前村出一溪瘦藤踈笠自相携
爐談坐久歸應

晚雪竹壓窻次第低

臘月既望

庸軒子

拜復 林菴公

玉儿下

樂田

益忠兵衛茶匙

延寶丙辰十月九日與諸君遊田中林庵主之別墅
中村宗哲入林藪而剪伐此竹來柳口宗治亦以蠟
炬曲之予亦以鉸刀之銛欲造于茶匙拙工素不能
磨礱焉或苦或窘而不得物之為物幸取田中之田
字應為田樂串可也荒爾々々

丁巳歲且

延寶五年

暖風遲日兩相催潤色新生松竹梅鳳凰來也鶯饒
舌滿頭鶴髮坐春臺

牛日立春

盤挑生菜祝逢時一氣饒寒欲解斯歲首從來纔五
日泥牛背上策春遲

春分祭事正員自浪速來助奠

廟垣雨灑露華濃奉祀今朝春正中家內偶瞻遠方
客與儔相助衆兒童

訪花陽軒自半塗西而見仁和寺花

豈料尋芳踏踏徂不携酒不載行厨宴酣歌舞繁花
下讓我遊人顏面朱

勾引中村氏遊正傳寺

寒岩三月始尋芳此地祖翁選佛場遠挑法燈辨漢
國近飛空錫據扶桑古墻桃李艷還媚幽谷燕鶯馴
却忙葛藟掩門迷咫尺徘徊牽杖遶長廊

遊內藤氏宅題雨中花

花重柔條蓋四隣雨奇晴好始知真東山已謝北山
未不倚不偏中此春

卒和鷓巢子韻

春日團團把茗煎膏油繼晷一爐邊夜深雨竭天將
霽花影移來孤月前

遊鷓巢子野墅

負郭結茅營鑿渠春水清杜衡花未綻瘦竹筍將萌
煙暘玉川茗宴酣張翰羹綠波漲南嶺十里海天晴

題桃尻之茶匙 宗哲作

安坐茶器辨居平地長伴爐邊不出其位
兩莖一器悅目口之厚貺不知所謝卒綴一絕

伸鄙情汗顏々々就中琵琶江遊興又阻雨十
而八九可庶幾止征轡而已縷々期面謁頃首

頃首

紅翻蜀錦白吹雪兩朵鬪妍富貴花唐苑風騷知若
此扶桑萬里合移家

題中村氏花筒

音羽

稱筒音羽瀑流無敵松風颯々響還茶鐺

登山中絕頂

昔時直陟秀峰巔屈指正當四十年山聳湖平不曾

改老涯獨嘆困來眠

竹內自濟老翁有予髻年之契丁巳之春自洛
來江湖悟語其間相別五十年恰思廬生之邨

枕戲綴一絕而伸舊情者俞

五十年前舊小兒相逢笑殺髮如絲琵琶江畔憑君
問白髮蒼顏知不知

上自濟雅翁之水亭對湖水

蹭蹬遠遊水國鄉三春向盡惜殘芳湖涵八景蘇堤
杏氣吐長虹湯日光風籟波高鷗攬睡雲帆影速雁

追亡吟情紛亂寫何處翫月亭西對夕陽

訪江湖祥瑞寺之仲和尚而歷桑下之三宿今

晨分袂歸令行人自舟中獻納小詩

雨中暗鏡湖風景有如無志賀花千翰辛崎松一株

移船登勝境弄杖荷行厨後晒思詩友露餐吾獨斟

仲夏遊紫雲山和鵝巢子之即興韻

紆園蕭瑟少遊人支枕松根臨水濱鶯燕從橫向吾

語却思庭上東蘇秦

自大仲和尚見惠十字丸饅頭大尺許也卒作

詩酬

世間製作不同科十字一團小素娥遮莫孔明良將

德奈傾口吻盡之何

題相國寺白蓮

觸祭淤泥池水中涅而不皂碧玲瓏此花雖共入儒

佛同愛異情無極翁

銘曲木机案

屈曲老根机鹿麋三足姿飛仙非我願攤卷叢生涯

和鵝巢子野墅吟

幽邃半門市半門不遊官路不耽閑主人何預移文
責恣宅鳳城又入山

題團扇

高探雲漢倚南樓除却紅塵引素秋一丈扇風天籟
冷九華文彩水紋流曾令白兔樓懷抱徧掃蒼蠅禦
睡眸諸葛三軍恣進退炎蒸六月已消憂

和花陽軒主八朔吟

氣爽林巒涼欲盈松濤掃暑洗塵纓晚來堪羨市鄴
裏懶聽蚊蚋耳畔聲

題星隕石

何時星隕石為山湘雨秦雲幾往還轉探詩腸懶吟
此孱顏堪見不容攀

遊嵯峨

夙出都門吟杖牽前程無處不山川晚禾初熟十分
歲霜葉半黃百尺巔太堰水長涵兩岸法輪峰聳插
中天老腰抱病行々倦為苦登臨立礮邊

賡鷓鴣子韻

茗爐獸炭畫堂中瓶擎紅葉煮松風若其非蜀川翻

錦定是應吳江著楓

正員自浪速來而遊鷓巢窩作初冬山楓之韻


予和之

霜重紅楓照眼新半留高標半為塵東南百里村々屋錦步障中富貴人

和鷓巢子遊六々山人之野墅而見追憶往事

之韻

來上詩仙六々堂長嘆黃落瘞空牀靈明遺跡今猶在神樂岡邊叡岳陽



丁巳仲冬朔遊林氏之野墅追憶往事而伸鄙懷

榮辱浮沈一樣看隨緣偶然入林巒前程更蹈蜀江險還堵却眠泰岳安檻外傍籬栽百菊園中繚竹束千竿買臣晝錦好遮實四面紅楓袖手觀

自武城之飛脚袖一封擲濡草鞋來乍開封見之沃地公次蹴鞠誹諧体一百五十句并忠國公以能離之事賡其韻和荅又一百五十都三百句之狂詩也恰縷後藤究之金翻西陣

織之錦矣山崎宗鑑松永貞德皆掉尾而走欲
 使奴入衆誠以黍奉存去以鞠言之則須賀
 丹以能言之則堂々迴不能一入其科不如以
 洛中口切往來之事言焉愧劣奴茶屋擔茶屋
 而况於北野之大茶湯乎以其樣之笑艸欲補
 奴蓬頭之剥云爾

兩卷讀之心泉湧詞林華於四山櫻本韻撰蹴鞠語
 折真只似取其足令見者聞者擣尻餅打手解頤
 天晴我總角比雖効此膝流為飛鳥川弘月日早越

實盛壽老眼通路猶不明蹴之無由見之厭春去夏
 來老倉庚入音休羽惣草卧以之荅之口又紵舞曲
 曾听我不識只管付目衣裳瑩湯谷松風垂葛帶小
 塩杜若結冠纓皆是男女戀慕道華奢風流次第賡
 自昔詩歌又和漢外此事不每物并聊因蹴鞠與舞
 曲欲伸和章不心傾不知為不知子曰暫以所託任
 口輕吾自幼至頭髮白一切以茶湯為清平生雨朝
 雪夕暮入心爐中與茶籠有時為客又招客下書啓
 上疾如榜客衆夜遽倒履主人出操足音勅寒氣

不覺汗飛玉諸膚脫懸成裸裡能阿相阿古龜鑑絡
 鷗利休今權衡此等人柄拔萃者不足論其貞不貞
 倩路次入任次第老者一禮以手擊若輩屈腰莞爾
 笑手水鉢上水滿盈柄抄斜橫如斗柄前石景氣譽
 穀久飛石木戸又御影東西南北繚又繁草履急海
 若欲倒乍踏左足輕可趨踏上口押開寸許入座先
 向墨蹟瞪贊誰荒怖達摩像眼大可止小兒噍爐邊
 釜松風颯々鈞棚置合在中央羽帚本白鶴指羽香
 箱堆朱梅折楨名作燒物何方劑異香四薰鼻突鎗

色所班瓢草炭取野老頭上彷彿驚爐中四隅灰撒
 畢池田白炭置交撐香合一覽又所望上座捫手向
 主請取服紗絹能押拭帚踏爐邊卻行征作是張成
 耶楊茂此古何年人手振与次郎釜頻湯漲猶鍛冶
 環能宥亨事々物數奇倩々此會誰以善惡爭會席
 下々如炊玉料理獻立皆不待膳不隅切木原椀禁
 去塵埃念比瞳繪盛四角角皿附和入三重重箱營
 燒鹽山椒傍某々香物凡漬大根生鯛鱧醢者細扣
 骨雁鴨炙物皆弃頸數獻酒透吸物出張翰鱸魚用

口宏主人罷出強今少皆云沈醉神々誠湯次水次
 煎香入盆中並出下面平菓子栗杪烹滌物數箇團
 子錢炮瑛少焉中立又次々腰掛飾物結構成讚岐
 圓座高野笠雖隱者業誰敢旬葭若一吹荒活計座
 敷慮外今是行伸氣伸肘又伸足鉦響三更敷五更
 否々是招客割符非確又非材木丁來更御座相容
 衆老翁先立雪踏鳴每窻簾馳明歷々掛物卷而花
 舟橫金盞銀臺椿早咲自下枝外散露瓊落掛高五
 尺一寸垂々紛々戰風鉤倩生々吁其書画何年修

行幾許程譬春花艶々而麗入下手手如取櫻水指
 露冷形惣一前方押込脊少脰唐津信樂又伊賀不
 知何國挿中楹茶入入袋盆中角文琳丸壺尚未精
 奪朱濃紫緒括色杓靠敷居似建兵高麗茶碗高捧
 出茶筥振雪透轉暗唐物應答寂右手茶杓左不差
 師盟濃茶一服先立畢遺氣臭廻下禮呈此會本隱
 者真似休分匹夫與公卿馳走身餘都富士振舞腹
 膨山飯盛浮世尋常寸先暗罷歸高枕廬生榮夫御
 茶自晋宋始杻尾明慧深寄情其種採來植山麓自

是古今為世禎宇治上林堀森等受續面々為家贏
借片屋被本屋取諺皆曰田舎亦京茶會固慈照院
殿資始聊爾只有名此等合今比大小南溟大鵬與
蠅蟲恭平天下萬々歲虛堂肩衝不叔櫃彼方更矣
此方更口切容衆馬車轟

和重憲夫寒夜之吟

夢醒一感生枕簟半窻清臘近年云迫天明物舍鳴
閑吟何雜慮利走不關情温飽在吾闥春來載酒行
陪觀水公之舊宅而見砌下之橘子有感

十人莫逆半為空又是座來朝露躬黃橘傲霜雖結
子一枝花落五更風

題祐成瓢簞花入

瓢簞耶藥罐名以祐成假爾雖傲剛強動被敲空也

至藤江氏之舊宅遭新主之設茶筵牀頭臘梅

暗香依追憶往事有感而言

再陪茶店數傷神又此玉川更別人一朶玲瓏可無
恨梅花曾不隔疎親

拜宗祇翁之肖像有感

百歲凜乎鳥跡殘况留名實幾餘嘆臘前筆下生花
覩小字梅為第二看

戊午歲且延寶六年

居然六々翁鬢鑠領春風老色慚年改髮毛嘆雪融
草柔斜徑綠山霽落霞紅從此契千歲我家十八公

和柳圓丈試毫韻

天曙八荒又得時乾坤無處不春熙鶯花楊柳三陽
健更見群陰一夜衰

同和正員韻

江南斗柄建寅時吟詠寄來起我竒試紙毫端巧摸
寫詩中畫勝畫中詩

同和以亨韻

荏苒履端如隔晨回看老鏡白頭新寸陰可惜與羊
去少壯幾時還是春

同和三圭韻

新陽春自九天回和風氤氳浮酒杯園綠漢宮庭下
柳風香大廈嶺頭梅

和玄功川八韻

醫家門外挾松竹輪奐始成京洛春囊裡四君藥爭
道文房三友硯吹塵眼前寫出故新改老境獨嘆歲
月頻一轉開元疾如此書生須勉與書親

悼等怡翁二十五回

當時埋沒一株梅五々年光春幾回萌蘗生花高似
屋鶯來一曲轉堪哀

奉和石梯和尚試韻

一上青雲歲日過春來天地盡包羅花紅柳綠新年
法說向園中坐草窠

和西居夫試韻

春至吳童宅丹青翰墨林竹松常入手鶯燕亦關心
日暖綈袍賜風吟焦尾琴歲華照幽隱四壁綠森々

奉和玄昌雅翁試韻之芳韻

三折雙肱入禁門試毫新賀一天元遇時贏得利名
外况復弄璋長子孫

和三宅沃池雅丈試毫之韻

客氈已暖歲華遷兩境同春隔百川湘左洛邊難縮
地暗通心徑一佳篇

和小島氏試毫之嚴韻

緬顧故園試管城，武江梅葉再含英。
人間苦樂偏難定，夜月雲霧陰又晴。

和暮鹽雅丈試穎之芳韻

天明山解醒，四望盡春情。
鶯擲柳新暗，毫揮虹始晴。
三朝開醉眼，千里寄吟聲。
墨突將黔日，飯鞭著去程。

和春甫丈仙臺值春川八之韻

改曆思親顧，帝鄉官遊膝下共。
恩光君邊近，報愛并敬儒術已成識。
又量夙試免毫，研古硯時穿花柳倚。

新粧連牀風雨知何日，一詠通敲夕一觴。

春分祭事

春雨漸晴，雲霧濛廟垣。
花重壓簾櫳，聊稱獻納鹿茶。
奠二月正當時，一中

題東岳之櫻花

何若晚唐風雅，徒此花吟斷。
一詩無滿山艷色賞難盡，始信人間有雨途。

三月盡

三月日，云盈氣溫，衣著輕。
鶻啼花盡，謝雷吼雨初晴。

風友堪吟嘯野農欲力耕酸耳三春暮那邊雲外鯨

奉寄等學院主即興

桃源在何處蕭寺渺無涯新竹碍苔徑古松遠碧池
偷閑胡半日話舊佳多時返照蒼西嶺山雞欲入埭

再和玄迪雅夫之三月盡尊谷

朵々好山花滿盈飄零可惜一風輕餘芳粘地銀泥
滑嫩綠成堆天色晴老去頽齡嘆時變眠醒醉眼寧
春耕秀才起我瓊瑤賜贏得報章筆力鯨

再和等學院之芳韻

寂寥西岳阿蘭若擲杖乍休一老涯四面漸圍新竹
塢數拳擎出幼荷池遺蹤尋往百千歲後輩服勤十
二時傾蓋徜徉談到夕坐看豚竅與鷄埭

遊圓德院

春去一旬雨洗天繁花落盡綠籠煙乾坤俯仰物皆
爾鶯舌止時也杜鵑

題松尾螢

水分大堰挾長途點々流螢影灑蘆偶爾竊為川上
嘆翻空上下夜光珠

夏至祭事 端午

今辰端五節中夏駭時遷
苑囿竹森前 庭墻藤蔓纏
煮茶穿鳳翼 掩豆換豚肩
小祭庸詎報 恩光照二天

和鷓鴣子石菖蒲韻

仙境栽培九節蒲 布砂灌水自為娛
山川鬱在枕屏裏 應領三江帶五湖

慈母二十五回忌祭事

忌景罕逢五々回 感時澌淚恨難裁
暮齡今又垂稀古 試採蘋蘩愧老萊

於内藤氏水亭題仲秋月

山水東山月雲歸 欲啓蒙今晨晴驟
雨萬里掃殘虹 席地蒹苔坐翫天
烏鵲冲年々稱意少 此夕影玲瓏

小太刀 宗哲茶匙之銘

茶匙名刀可銑吹毛睡魔截斷爾
竹中豪

隨太守後自勢濱赴伊城早行

夙把長途數五更 籃輿扶我夢相賡
蒼蠅附驥都稱意 兩境梯空十二程

步嘯松公吟仲秋月韻地

廣寒宮裏鏡精明照破大千分外清今夜一年好風
月揮毫描出楮先生

淺宇田眺望

幽棲閨寂嶺崢嶸霜淺錦楓望未成山可買臣負新
日向來期見會誓榮

疎林半染紅

林樾報秋山麓東雲烟離樹聳蒼穹詩腸探得不吟
得霜白松青楓又紅

松木氏友松公袖來和歌二首而訪予旅館公

勢紛冗而卒不惶和答臨歸聊以餞別賡其韻
兩旬話舊欲交其半竈未黔去向南老淚吞酸一朝
別揚雄口吃不能談

其二

一從分手更三正日日晤言金石盟臨別杯盤行幾
許鷄鳴戒曉一敲々

寄花陽翁

惠來巨口細鱗魚膾縷玉盤雪不如偶爾還卿望已
極季鷹一味入吾廬

秋哲公三十三回諱嫡孫重祐作詩思慕陳迹
予亦陪齋筵卒賡韻公與我齡一歲其間相去
嗚呼如個

欠一同年舍我行三三懷舊夢將驚殘花擎出廟堂
裏十月菊堪開鄙情

一日敲靈源主翁之松扃而偷半日閑仍涉昔
日二紀談他日一緘飄然落手開封見之則金
音玉轂之詩賦也卒步韻地聊伸鄙情短景薄
夕陽行人倉卒不遑苦吟摩挲老眼走毫附貴

价不悉傾首

不意扣門寄此生立談頃蓋幾開情偶然擲杖有楓
入紅葉媒如同會盟

初冬雲林院眺望

比良積雪白皚々山麓松青紅葉堆陽月三旬猶未
半寒風一夜送秋回

冬至祭事

群陰藐遠一陽新罔極祠前拜謁神賴當廟垣有天
賜貯瓶祝得八千椿

題花筒 カキリ 内藤氏

竹筒曲且長形側似螭螂自當立車轍孰為伴衆芳

永至榮華

平來風一剪芝林回

此身辭學日難平山嵐水清法業翠樹日三時誰來

醉吟要林

八珍菜熟吹回

天香也門

庸軒詩集卷之上 終



